

Codex Laureshamensis Teil: Bd. 1, Einleitung, Regesten, Chronik Nr. 147

Celestinus episcopus servus servorum dei, dilectis filiis, Folmaro hirsaugiensi, et Adam in Ebera abbatibus, salutem et apostolicam benedictionem. Veniens ad sedem apostolicam Baldemarus abb. laurishamensis abbatis, ad quam se regulariter electum fuisse asserebat, et exinde absentem et sine iudicio spoliatum esse conquerebatur, restitutionem postulavit. Verum quoniam venerabilis frater nostri Theodewini, sanctae Rufinae episcopi attestatione, et multorum discretorum virorum litteris cognovimus, quod Laurisamum ad discussionem causae suae et obiectis respondere, noluit interesse, et a regimine abbatis Blidinstad, ad ipsam absque romanae ecclesiae auctoritate translatus fuerat; et illam ad quam illicite transierat ei abstulimus, et ab altera quam primum habuerat eum suspendimus. Caeterum, quoniam frater ille qui in regimine laurishamensis abbatis substitutus est, de crimine simoniae apud nos est diffamatus, et nos tantum crimen indiscussum preterire non possumus nec debemus, per presentia obis scripta mandamus, quatinus si personae apparuerint, quae de symonia ipsum canonicè impetant congruo loco et tempore utraque parte ante vestram evocata presentiam, causam diligenter audiat, et fine canonico terminet. Alioquin idem frater quinta manu religiosarum personarum de tanto crimine se expurget. Quod autem a vobis exinde factum fuerit, de electione quoque et modo electionis, et utilitate personae, veritatem nobis significare minime differatis, ut tunc veritate plenius cognita, quod ad honorem dei faciendum fuerit, auctore domino faciamus. Data Lateranis III^o non. ian.

Defuncto interim Celestino, litterae hirsaugiensis abbatis ad Eugenium papam de expurgatione Folcnandi hoc modo sunt directae.